

FLORÈFE, ON DJOÛ, ON TRAU...




Figure 1 : Catrène Binamé dès Rêlis



Figure 2 : Pîre Dufaux (ReTeBeFe) èt Bèrnard Sèbile (maïsse fougneu)



Figure 3 : Catrène èt Michèl Binamé Cwèfès pa Bèrnard

Tot vént à timps à kî vout Bén ratinde. Oyi-da, minme ki ça vos pout tchère dsus l'capotine kand c' èst Bén trop taurd (èt k'on nawîye dins l' trwèzyinme âdje) ! C'

èstéve li lèdmwin do prumî d'avri k' l' èlète nos a-t-arivé au truviè d' l' arincrin au mitan d' ène tchîrîye di mwès werbias ki nos èburtakîne tos lès djoûs l' indjole. C' èst vos dîre ki kand on l'a lèyu, i l' èstéve dèdjà trop taurd po nos ritoûrner... Vola k'on nos priyéve à ène pitite plonkêye dins on trau muchî dins lès monts d'Florèfe ! C' èst pokwè, sins tûzer pus lon, k'on s'a ritrové po ène èkipêye avou l' mwinnædje Binamé èt l' Retebèyiste Pîre Dufaux (di 900.000 walons...) au pîd d' on gros cayau avou ène pitite craye ki nos faléve nos î faufler didins. Oufi, valèt ! c'èst ki faléve si Bén cotwade po si




Figure 4 : Lî vèyèz, vos, l' intrêye dèl crote ?

sititchî dins l' cravaudêye pîre... Muchî ddins tot sintant dèl pikète do solé po trover ène aspouye èt s'ritrover dins l'nwareû come on nûton falu, c' n'èst nén doné à tot l' monde èt, po nos ènonder, i nos a falu Bén dès ècoradjmints da Bernard Sèbile, L' cia k'avéve manigancé l' raploû, èt ki n' voléve n'nén nos lèyî pèter èvoye. D' ostant, ki d' intrêye


i nos a mostré lès bèlès grossès aragnes k'î nos lumîne nos xhone-t-i avou invîye adlé dès volantès soris d' cauve... Adonpwî i nos a assatchî pus lon, pus bas, pus profond. "Vèyoz come c' èst bia, dijéve-t-i. Lès gotes, pyane myane, on mulimète pa sièke, nos fabrikenut dès dintèles di pîre èt dès pwintes ki dischindenut pate à pate, po ridjonde dès mamurons ki s' ridrèsseneut pa pa-dzo èt



Figure 5 : Èt lès gotes ? Advinèz lès !

gripenut tot ossi pajèremint." Po s' avancî ddrî li, i nos faléve prinde sogne di nén rider dins lès broûs lèyî pas lès cauvlantès eûwes odobén dsus dès rolantès rondès pîres. A tanawète dès montêyes vîyes di d'pus d'on sièke rindîne pus aujîye l' diskinde au fond d'on trau o l' rigripète viè one novèle cauve. Ben eûreu k'on avéve li tièsse à iute dès suks dins on caske k' avéve

Figure 6 : Dins l' nwareu, on



pilori ?

li lumère aclapêye dsus li dvant. Li lumère ? Oyi-da, on * (à shûre)